



CONCELLO DE MONFERO (A Coruña)

ANUNCIO

DECRETO DE DETERMINACIÓN DE SERVIZOS MÍNIMOS POR CELEBRACIÓN DE FOLGA

Por Decreto de Alcaldía nº 272/2025, do 03 de setembro de 2025, que se transcribe literalmente a continuación, determináronse os servizos mínimos folga SAF:

“O presente Decreto ten por obxecto aprobar os servizos mínimos que, coa finalidade de garantir o funcionamento dos servizos esenciais á comunidade, deberán rexer durante a xornada de folga convocada por Federación CIG Servizos da Confederación Intersindical Galega CIG para os días 10, 11, 24 e 25 de setembro de 2025 (00:00 a 23:59 horas), á que están chamados a participar o persoal do Servizo de Axuda no Fogar (SAF) de Galicia, debido a falta de acordo para negociar un convenio colectivo xusto e digno para as persoas traballadoras das empresas que exercen a súa actividade nos SAF dos concellos de Galicia.

A Constitución Española reconece no artigo 28.2 o dereito á folga dos traballadores para a defensa dos seus intereses, dispoñendo que a lei que regule o exercicio deste dereito establecerá as garantías precisas para asegurar o mantemento dos servizos esenciais da comunidade, do que se deduce que o dereito de folga non é absoluto e incondicional, estando suxeito a limitacións en función do ben común e o respecto ao dereito dos demais e así a Constitución permite que, por medio dunha lei, establézanse en caso de folga as garantías precisas para asegurar o mantemento dos servizos esenciais da comunidade.

Non logo de producir o desenvolvemento legal esixido polo artigo da Constitución antes citado, resulta de aplicación o disposto no artigo 10 apartado 2º do Real Decreto Lei 17/1977, de 4 de marzo, segundo o cal «Cando a folga se declare en empresas encargadas da prestación de calquera xénero de servizos públicos ou de recoñecida e inaprazable necesidade e concorran circunstancias de especial gravidade, a Autoridade gobernativa poderá acordar as medidas necesarias para asegurar o funcionamento dos servizos».

Os servizos prestados polo Concello teñen a consideración de servizos públicos, segundo despréndese do disposto nos artigos 25 e 26 da Lei 7/1985, reguladora das Bases do Réxime Local, e 80 e seguintes da Lei 5/1997 de 22 de xullo, de Administración Local de Galicia.

A competencia municipal para a fixación dos servizos mínimos, de conformidade co establecido no artigo 10.2 do Real Decreto Lei 17/1977, está recoñecida polo Tribunal Constitucional e o Tribunal Supremo en diversas sentenzas, así como pola Lei 2/2015, de 29 de abril, do emprego público de Galicia e pola Lei 5/1997, de 22 de xullo, de Administración local de Galicia.

Logo de convocar para os días 10, 11, 24 e 25 de setembro de 2025 unha folga que afectará a todas as persoas traballadoras das empresas que exercen a súa activade nos SAF dos concellos de Galicia relacionadas co Servizo de Axuda no Fogar de Galicia. É necesario o establecemento dos servizos mínimos, o sector afectado de dita folga, que son persoas co dereito recoñecido pola Lei 39/2006, do 14 de decembro, de Promoción da Autonomía Persoal e Atención ás persoas en situación de dependencia, que afecta a todo o territorio da comunidade autónoma e, en consecuencia, a todo o termo municipal, as concretas necesidades dos servizos, a natureza dos



CONCELLO DE MONFERO (A Coruña)

dereitos, liberdades ou bens constitucionalmente protexidos.

O interese da comunidade que debe ser perturbado pola folga só até extremos razoables e a necesidade de garantir os mínimos imprescindibles para o funcionamento dos servizos municipais, mantendo a axeitada proporcionalidade entre o interese xeral da comunidade e o dereito de folga dos traballadores. Para fundamentar a esencialidade do servizo, debe cuestionarse, caso a caso, se, no suposto de non disporse o mantemento dos seguintes servizos, pódese ocasionar un mal á comunidade máis grave que o que os folguistas sofren coa limitación do seu dereito, por ser a comunidade a destinataria do servizo e ser, tal servizo, esencial para ela. Se conclúe que si, o dereito de folga debe ceder, nesa medida.

Na área de Servizos Sociais, os servizos mínimos que se establece xustifícanse en que se da servizo a un sector vulnerable, cun dereito recoñecido pola Lei 39/2006, de Promoción da Autonomía Persoal e Atención ás persoas en situación de dependencia, que no artigo 4, da lei, enumera os Dereitos e obrigacións das persoas en situación de dependencia, no punto 3 do artigo. “Os poderes públicos adoptarán as medidas necesarias para promover e garantir o respecto dos dereitos enumerados no parágrafo anterior, sen máis limitacións no seu exercicio que as directamente derivadas da falta de capacidade de obrar que determina a súa situación de dependencia”.

Polo exposto anteriormente e en virtude da competencia establecida pola Lei 2/2015, de 29 de abril, do emprego público de Galicia, pola Lei 5/1997, de 22 de xullo, de Administración local de Galicia, pola Lei 7/1985, de 2 de abril, Reguladora das Bases de Réxime Local e polo Real Decreto Lei 17/1977.

No uso das atribucións que me outorga a lexislación do réxime local, **RESOLVO**:

PRIMEIRO.- Acordar como servizos mínimos para o SAF do Concello de Monfero aqueles precisos para que, atendendo ás circunstancias das persoas usuarias da Servizo de Axuda no Fogar (especialmente a súa vulnerabilidade), quede garantida a cobertura dos servizos de carácter vital, priorizando, para iso aquelas funcións que se desenvolven no servizo.

En función do que antecede, enténdese por servizo mínimo ou esencial: a prestación de servizos de comida entendendo por tales tanto a elaboración de menús como a subministración dos mesmos, servizo de hixiene persoal diaria, uso do WC, no seu caso, eliminación vesical e intestinal, axuda para erguerse e deitarse, transferencias, vestirse/desvestirse e supervisión de toma de medicamentos; cambios posturais necesarios para as persoas encamadas; apoio na mobilidade no propio domicilio, labores de acompañamento de persoas usuarias para acudir a centros sanitarios cuxa cita fora concertada previamente e non poida ser postergada así como si se producira unha alerta no domicilio, contacto cos servizos de emerxencias, saúde ou outros na franxa horaria habitual.

SEGUNDO.- Para o exercicio deste servizos mínimos, autorízase a que algúns dos horarios se poidan modificar para poder organizar estes servizos mínimos e poder realizar unha prestación axeitada do servizo.

TERCEIRO.- Corresponde á empresa adxudicataria do servizo, coa participación do comité de folga, a facultade de designar as persoas traballadoras que deban efectuar os servizos mínimos,



CONCELLO DE MONFERO (A Coruña)

velar polo cumprimento dos mesmos e a organización do traballo correspondente a cada unha delas, respecto do persoal ao seu cargo.

CUARTO.- Facultar ao Departamento de Servizos Sociais con responsabilidade de xestión deste servizo para comunicar por escrito ou vía electrónica aos traballadores/traballadoras que deban integrar os servizos mínimos establecidos no apartado primeiro deste acordo e que formen parte do SAF prestado directamente polo Concello.

QUINTO.- O incumprimento da obriga de atender ós servizos mínimos será sancionado de conformidade co previsto na normativa aplicable.

SEXTO.- Notifíquese o presente acordo ao Departamento de Servizos Sociais do Concello, ós convocantes da folga e á empresa Idades S.L.

SÉTIMO.- Sexa publicada a presente resolución no taboleiro de anuncios do Concello.

Decreto asinado dixitalmente na data que figura na marxe polo Sr. Alcalde en funcións do que eu, Ana Ramos Ramos, como Secretaria Xeral, dou fe. (Asinado, por este último, aos efectos exclusivamente do artigo 3.2 do RD 128/2018, de 16 de marzo, e o artigo 2.1 do Decreto 24/2018, do 15 de febreiro).

O Alcalde en funcións
Alberto Cortizas Rejo

A Secretaria por acumulación
Ana Ramos Ramos"

Monfero, 03 de setembro 2025

O Alcalde en funcións
Alberto Cortizas Rejo